

BENTUK KERTAS SOALAN

Kertas 8827/1 Auto Asas mengandungi DUA soalan. Kedua-dua soalan diperuntukan masa 1 jam menjadikan masa penuh untuk kertas ini ialah 2 jam. Peruntukan markah ialah 50 markah untuk setiap tugas menjadikan markah penuh untuk kertas ini ialah 100 markah. Kedua-dua soalan pada kertas ini adalah wajib dijawab oleh setiap calon dalam masa yang ditetapkan dan tiada soalan pilihan.

PRESTASI KESELURUHAN

Pada keseluruhannya prestasi calon dalam kertas ini menunjukkan peningkatan yang baik pada pencapaian markah tinggi dan sederhana dengan penurunan pada markah yang lemah dan gagal. Calon dapat menguasai kemahiran yang diuji dengan baik mengikut kehendak soalan dan menepati peraturan permarkahan.

PRESTASI MENGIKUT KUMPULAN CALON**Calon Dalam Kumpulan Tinggi**

Calon dalam kumpulan ini kemahiran amali yang ditunjukkan adalah trampil dan cemerlang serta lancer mengikut peraturan permarkahan. Calon dapat menguasai kemahiran yang diuji dalam kedua-dua tugas pada kertas ini. Meajoriti calon dapat menyiapkan tugas dengan baik mengikut masa yang ditetapkan, hasil kerja yang terampil dan dapat berfungsi dengan baik serta menjaga aspek kelancaran kerja, penggunaan alat, keselamatan, kebersihan, siap dan jaya.

Calon Dalam Kumpulan Sederhana

Calon dalam kumpulan ini dapat menguasai kemahiran yang diuji mengikut kehendak soalan dan tugas tetapi pada sebahagiannya sahaja daripada peraturan permarkahan yang telah ditetapkan. Terdapat kesalahan yang perlu diberi sedikit bantuan untuk dapat menyiapkan tugas mengikut masa yang ditetapkan. Sebilangan kecil calon mengabaikan sebahagian daripada aspek kelancaran kerja, penggunaan alat, keselamatan, kebersihan, siap dan jaya.

Calon Dalam Kumpulan Rendah

Calon dalam kumpulan ini tidak dapat menguasai kemahiran yang diuji sepenuhnya dengan tepat. Ia memerlukan bantuan untuk memahami tugas yang diuji. Terdapat calon yang siap tugasannya tetapi tidak jaya atau tidak siap dan tidak jaya.

PRESTASI TERPERINCI**Soalan 1**

Soalan ini menguji kemahiran calon dalam menservis, memeriksa, melapor, memasang semula komponen dan menguji kendalian system brek jenis gelendong pada kenderaan. Ia dapat menguji kekuatan kemahiran calon dalam aspek keselamatan untuk sebuah kenderaan. Pada keseluruhannya prestasi calon adalah baik dan berkesan iaitu dapat

menyiapkan kerjanya mengikut masa yang ditetapkan. Terdapat sebilangan calon yang mengabaikan aspek kebersihan dan keselamatan semasa menjalankan tugas.

Soalan 2

Soalan ini menguji kemahiran calon dalam menganti komponen system penyalaan, menghidup dan menala enjin petrol. Ia merupakan kemahiran asas yang perlu ada pada setiap calon untuk enjin petrol. Prestasi calon adalah baik dan keseluruhannya enjin dapat dihidupkan disamping menala enjin tersebut dengan menggunakan alat penguji yang diperlukan seperti takometer dan lampu pemasaan dengan berkesan. Kelemahan calon yang dapat dikesan ialah lupa menanggalkan kepala bateri dan teragak-agak semasa menggunakan alat penguji takometer semasa menala enjin.

SARANAN KEPADA CALON

Untuk meningkatkan prestasi calon dalam mata pelajaran ini, berikut adalah beberapa perkara yang perlu dititikberatkan di masa hadapan.

1. Teknik memahami soalan perlu diambil perhatian melalui soalan yang lepas.
2. Calon perlu mempunyai keyakinan diri yang tinggi dalam menjalankan tugas semasa latihan dan peperiksaan.
3. Calon perlu dilatih bekerja mengikut prosedur yang betul dan langkah kerja mesti mengikut turutan yang tepat.
4. Latihan yang berterusan secara individu sebelum peperiksaan, ini dapat meyakinkan diri mereka agar mereka tidak teragak-agak semasa berhadapan di hari peperiksaan.
5. Memastikan calon cukup mahir dalam sesuatu kemahiran dan mahir menggunakan alatan penguji atau alatan tangan.
6. Calon perlu diberi kefahaman tentang aspek kelancaran kerja yang berkesan.
7. Calon diingatkan jangan mengabaikan aspek kebersihan dan keselamatan semasa bekerja khususnya semasa peperiksaan.
8. Aspek SIAP dan JAYA perlu difahami dengan jelas agar calon tidak mengabaikannya kerana ia memberi kesan yang ketara kepada markah calon.

SARANAN KEPADA GURU

1. Pastikan kemahiran guru benar-benar tepat dan sah semasa proses pengajaran agar calon tidak menjadi mangsa kesalahan akibat dari pengajaran yang salah oleh guru.
2. Pastikan persediaan bahan di bengkel tepat dan betul serta cukup mengikut bilangan calon dan mengikut keperluan persediaan bahan seperti yang disenaraikan oleh Lembaga Peperiksaan.

3. Guru perlu mengenalpasti pelajar yang bermasalah tentang kehadiran calon dalam latihan amali bengkel agar tidak timbul masalah di hari peperiksaan.
4. Guru perlu memberi peluang secukupnya kepada calon untuk latihan secara individu dan berterusan untuk memantapkan kemahiran diri calon.
5. Sekolah perlu mengadakan ujian pra-percubaan untuk menilai kebolehan calon sebelum peperiksaan.